



# QUÆSTIO MEDICA,

QUODLIBETARIIS DISPUTATIONIBUS,  
manè discutienda, in Scholis Medicorum, die Mercurii  
trigesimâ ultimâ Decembris.

M. CLAUDIO DUFRESNE, Doctore  
Medico, Præsidente.

*An ab ovo conceptus hominis.*

I.

**F**ELIX Minervæ cultor, & Jovi charus, nativæ nec testis, nec  
consiliarius, vel oculiorea detegit, & explicat obscuriora. Norit illam  
nullibi otiosam, ubivis operantem, providam, & in omnibus solertem,  
languidam in nullo, deficientemve; impositas sibi semel à summo conditore  
motionis leges severa servat, inviolatè, ad ultimam operum quorumvis per-  
fectionem: spiritu eodem, qui ante ullius creaturæ formationem super aquas  
ferebatur, distante, & digito quasi monstrante viam. A natura singulorum  
ortus, accretio, viventium vita; & sensus, mentis acuties, perfectiones animæ,  
*quatenus ab organis pendent.* Ne tamen monstra dixeris illius opera, nec illa  
senescente concluderis casura sensim entia; illa causis instrumentalibus, has  
singulorum defectiones hostili assurgentium hospitum vicinæ veriùs ascribas,  
& potentia. Singula hæc, ut sapienti inimica naturæ, nec illam sequutura du-  
cem, sic quibus non obvia erroribus? Ex humido elicit, & in ipso inchoat,  
quæ posthac ultimò perfectura est. in illo entium primordia, prima est nec  
ulla ipso accommodato motus sedes; à quo lentiori, aut cessante, solidor-  
um textura, & duri firmitas; utraque humido, & fluido obices, & veluti  
claustra, utriusque motum varia disturbant determinatione; quæ quantum  
noxia? Ne quid idem censeas humidum, ac fluidum, hoc enim in illo innatat,  
summe agile, summe penetrans, suum obvio cuivis, characterem, si excipere  
habile, impressurum, jam solidiorum delineatio, & figura exterior; hinc &  
ampliat, ut & viventium generatio, accretioque. Qui porro servabitur  
integer ille fluidi character, qui non immutabitur motus illius, dum claustror-  
um vel ætiori, ad tempora plurima detineri cogitur velut incarcerationum, & vehiculi  
sui diuturniori quiete lentescens, parte viscidiori conspurcatum? quæ ab

2  
ovo, & contentis in ovo liquoribus evenire ipsi incommoda necessum est.

I I.

**O**VUM intelligas capsulam, quæ viventis oriundi complectitur tum principia, tum ejusdem nutriendi materiam, ad ipsius hinc in auras ingressum; seminibus plantarum liceat id nomen indere, utero gerentibus nusquam. Formandi ovi exordium, & incrementum, fructibus arborum haud dispar, pediolo quodvis fulcitur, qui vel longiori funi armilla in modum appendit ova, ut in reptilibus, vel racemo, ut in oviparorum plurimis: pediolus hic, funis, & racemus, vasorum sunt una in membrana collectorum, tum sanguinem, tum spiritus devehentium, ut & utriusque residuum in massam reducentium propagines; membrana hæc (vaginam dixeris) ovi cujuscunque involvit materiam. Racemum, qui multis inconsultè dicitur uterus interior, verius designabis ovarium, seu vitellarium, fides naturæ indagator. parte lumbos inter media situm, dorso annectitur, & papulæ cuivis, quæ ovi primordium est, visus aciem sæpius effugienti, alioquin albæ, aqueoque scatenti humore modò dictos elargitur succos; quibus accrescunt sensim ova, flavescent, luteique coloris fiunt: multò copiosiores excipiunt, quæ racemi lateribus sunt adnata, loco scilicet hoc ampliori constituta, & liberiori, partiumque vicinarum leni fota tepore, qui & succorum effervescentiam, & membranæ expansionem nonnihil adjuvat. Excipimus tamen columbinum genus, & piscium qui vocantur cartilaginei, quæ bina tantùm ova nido reponunt incubanda, ex parte ovarii dextra unum, alterum ex sinistra, multò majorem adepta molem, reliquis idem servantibus volumen, quoad incubationi disponantur. Justam nactus accretionem vitellus, pediolo præ pondere rupto cicatricula instructus, excidit ex ovario, per tenuissimam, & dilatationis capacissimam membranam infundibuli, in uteri processum, qui ut & ipsi continuus uterus rugosus intus, membraneo-carnosis constat spiris, & plicis in longum tractis tantò majoribus in utero, & crassioribus, quò veneri maturata magis ovipara est. Plicæ illæ aquam exsudent lentam, locorum calore viscidam, quæ totam grandinum materiam, albuminis autem plurimam, delabenti vitello suppeditat, agglutinandam; reliqua ex vitello, cui implicita, secernitur. Uterus dorso alligatur rectum subtrahit intestinum, secus ac in viviparis, tantò crassior est substantiæ, & capacioris, quo extremo podici proximior; hic ovum cortice induitur. In juniore ovipara nudum conspicuis, in seniore autem oblitteratis, racemo, infundibulo, processibus uteri, ac utero ipso, nil nisi glandulosum & informe conspicere datur. Iisdem donarentur partibus ova irrita quibus fecunda, si vi masculini seminis illa non destituerentur. Fecundantur & plurima unico maris congressu, sive in uterum, infundibulumve delapsa irroraverit genitura maris, sive illa racemo etiam appensa, & pappulosa attigerit. Illico concitatur in ovi partibus motus fermentativus, tantò naturæ amior, quod subjecto perficiendo dicatur semper. Acida genituræ maris virtus primum generationis efficiens, succis seminique obvians in ovo contentis, quæ naturæ sunt fixioris, & maxima ex parte, salino-alkalinæ, illorum hinc illinc compagem implicitam in viscidis explicat, horum nexus solvit, illos solutos unit, pro servato partium unde exciderunt charactere, portionibus iis longe: profundius, impressio quam

3

vegetantium semini, quem non nihil adjuvat internum id seminis spirituosius acidum, quod multiplici per singulas partes itu, redituque singulorum sibi characterem ascripsit expressius, ad domicilii sui constructionem perfectius elaborandam. Nec operi tanto spatium negavit natura sagax, indita singulis ovis cavitare, quæ si summe mobili materiâ primo repleta fuerit, agentium posthac libertati, ut partes in situ naturali constituantur, potissimum confert.

III.

**C**onceptus, seminum est utriusque parentis mixtorum, in dispositam proli generandæ materiam actio. Hinc cuilibet animantium speciei data sunt ab initio creaturæ mas, & fœmina; in utroque generandi virtus modo unita, in utrovis seorsim nulla. Hæc à semine est, cujus vitio minus quam materiæ deficit conceptus, vel vitiatur; facta degener, vel ab organo illam elaborantibus percolantibusve, aut asservantibus; à prioribus crudior, effœta, vel horum insito defraudata spiritu; percolantia sæpius multiplici scatenem impura miscella sinunt præterlabi, sic crassiorē passā: & asservantium indole adulterā, lentescit ut plurimum & redditur viscidior. Futuro itaque operi tantò magis conveniet, non quanto humidior, sed quanto fluidior; plurimus tunc irrorat illam spiritus, & imbuit, quo coctioni inelaborante organo paratior fit & actuosior; vel leviori percolantium opera, pura, & tenuis; quem hospes spiritus, quo turget, intestinum in ea motum assiduo suscitāt, is, & à lentore vindicat illam, & à nimia visciditate: ipsi non parum officere cœli inclementiam, tempestates aëris, & matricum exteriorum incommoda evincit super, deficient in ovo, tempore incubationis conceptus; quibus magna ex parte immensis qui in viviparis peragitur, tantò futurus absolutior, quantò ex perfectiori parentum ordine efformandus. Cæteris ortu nobilior Homo, functionum numero, & dignitate reliquis longè excellior, spirituum illi præ aliis uberior penus, & elaboratior; quos in mulieribus si non obfirmant validiora corporis exercitia, nec exacuunt danda artibus opera, & optata disciplinis attentio; nil minùs alacres præstant & vegetos insitus ipsis politioris humanitatis amor, ardens ornatoris, & incorrupti sermonis studium, & celeres quibus aguntur animi motus, ac pectoris. Functionibus quibuscumque obeundis præsto adsunt spirituum vectores numerosissimi, quibus instructa organa, quantum non actuantur? At quanto copiosioribus ditantur illa, quorum operi consummando lætior natura tota studet, suæ intelligas per individui propagationem, immortalitatis avidissima; sua tantum ad opus habet organa, quæ quanto viviparorum cæterorum iisdem, perfectius instructa? Testes prima generationis organa, habet in hypogastrio positos, qui lati, compressi, effigie phascoli, tunica propria conteguntur & exteriori membrana, à peritonæo deducta, substantiâ partim glandulosâ partim omni vasorum genere circumvolutorum compactâ; quæ parte uterum versus mediâ cava, succos in suo tractu attenuatos ulteriori testium elaborationi asportant, ad sitas in eorum centro glandulas, inde per cecos eorum ductus ad appensas testium quasi circumferentiæ vesiculas, nerveas, ac ejusdem semper molis, in virginibus, vetulis, aut viro nuptis, nec illæ, nec testes umquam obliterantur, quod oviparis evenit. Liquorem suum deponunt in deferentium ramulos, partim in uteri fundum & cervicem, partim in tubarum

uteri medium corpus; exporrectos; tubæ illæ uteri quasi appendices substantiâ partim musculoſo-nerveâ, partim plicis, seu cellulis oblongis recurvis, à media ſui parte, ad extremum verſus teſtes criſpatæ deſinunt in muſculum ſimbria multiplici carneâ fluitante ornatum, digitos inferente. Cellulas has proſtatarum, ut veſicularum ſeminalium vicem implere, veſiculas teſtium non negaverit, qui liquorem in utriſque contentum ſimilis proſus naturæ, igni concreſcentem, & in auras facile evanidum agnovit. Tubarum cavitās tantò amplior verſus teſtes, à quibus digiti ad minimum diſtante craſſitie, quantò uterum verſus anguſtior, hæc vix tenuem admiſſura ſtilum, illæ piſum quandoque majorem. Uterus tandem viviparorum matris, excavatus muſculus omni vaſorum genere inſtruitur, & ſimili, ac tubarum & ſimbriarum ſubſtantiâ, quibus ſingulis contrahendi vis ineſt & expandendi. Maſculinum hic ſemen primus excipit proprio, unde viſ affluerit, commiſcendum in futuram conceptionem, quæ ſummè naturalis, ſi in uterum, ratioꝝ eſt contra præter naturalis, ac felici ſemper fruſtrata partu, ſi in tubas ſemina congreſſura appuleriut. illius efficiens ſpiritus ab utroque parente, in ſemen, quod proprium connubio eſt animaturus, velut impete protuſus, ubi parentis in amplexum amor, aut ſeminis acrior urget viſ. Protinus à reliquo decidit ſpiritus, novi futurus architectus opificii, domiciliique; ſpiritus acceſſu, ſeminis humor turgēſcit, hinc clauſtra coguntur expandi, quæ nervea, & vi elatiſcā donata, novos in proprii elateris ſubſidium vocant ſpiritus qui firmitatem illorum tueantur, ne rumpantur illa præcaveant, & turgentioꝝ humorem è ſinu, patientiore via contracturi, propellant. Attende ac conſpicuas in viro nuptarum, vel veneri nimis deditarum teſtibus carunculas, tantò plures, quo liquor ab iis frequentius deſluxit, & uberius: has qui autumabit arefacta ova, ſeu exſucca, unde ex ſucca concludet? Crepuerunt inquit, quot ſiniſtro ſic nata, ſidere! teſticulos quippe aut veſiculæ ambiunt, aut carunculæ, probanti fides ſit anatome.

## I.V.

**I**N quo veſiculas teſtium cum ovīs affines, viſ decernendas? An quia corpora teſtium orbiculatim appenſæ & racematim? An quia liquore ſœtæ apparent? Sic uvæ non modò, ſed & omnis generis fruſtus, totidem ova æquo jure cenſueris. Quā tandiu torpeſcet in iſtis ſeminis humor. Novo nec irrorandus; & ſpiritu vel denegato non immutatus, vel eodem appulſo quaſi yvernoſo immotus? Non remiſſior ibi quam in utero calor, nec parciꝝ humiditas, quibus ſoveri poſſit ovi materia, & intumeſcere. Valebit ſeminis maſculini rector ſpiritus, penetrare uterum, tubas tranſgredi, ferri ultra peritonæum, & membranam prætioſo illo turgidam liquore, quam ovarifœ ovum vocitant? Secum valebit huc rapere futuras maſculi partes, quæ à talibus maris partibus configuratæ decidunt? In ovo & ipſæ inſunt, inquit? At unde huc appulſæ? Quæ in ſœmina partes potuerunt ipſas cudere? Incluſas viſ forte in cujuſlibet animantium ſpeciei primæ ſœminæ teſtibus, quos ais ovaria, ab initio creaturæ; è quibus in poſterarum ovaria, traduce via, immituntur: at neſcis totuplici partitione, imminuendam ovariorum molem, & ovorum numerum, utraque ſic tandem deficienda, quibus defecturis peribunt rerum eſſentiæ; cur innumerioꝝis proliſ parente amplioꝝes nec ſunt;

nec tenuiores testes quam in virginibus, & claustro, ab ipsa pueritia, ad extremum senioris vitæ terminum, addictis? Nec his nostris quam Noë temporibus? Mirare illius sagax figmentum, qui volitantia in aëre ova illa, à sceminis (inspiratu sane potus aut alimenti assumptione) excipi in testium, sinu, ut proprio recondenda, imponit. Quasi vel à quouis animantium ore absorbenda, ut de stercore, multo dicam deteriore luto erigatur pauper cum principe collocandus, & ad conditoris, similitudinem efformandus? Quasi vel abortita ulterius in abras propulsentur, multiplici hac tot intra animantium corpora vel diversissimæ structuræ, introitu, circuitu, & egressu, nusquam alterata? Quasi vel à solis devoranda mulieribus, intelligenti quadam exhibente manu? Non omnibus, ne in sterilibus, de lineantur peritura, sed iis tantum quæ viro quondam jungendæ fecunditati sunt illa disposituræ? Quasi tandem singula seorsum cuncti-potentis una manu fabrefacta, cui minus fuisse possibile, & arduum magis, mulierum testibus indere vinum feminificam, quam herbæ virenti concessisse constat, & prolificam iisdem viro-rum organis & fecundantem affixisse? Si fecundetur semine maris ovum in ovario, quid & conceptus hic non fiet, & fœtus accretio? Hinc quomodo excidit? Quo novo pondere ad rupturam incitabitur suspendens ovum pediolus? Aut qui tam subito exarescet? qui dilacerabit perforabive propriam, quâ tegitur, & continem testiculi membranam? Hæc vi dilatata dolorem non concitabit tanto exquisita sensu? Tubarum fimbriæ ovum apprehensione excipient? quæ sua contrahendi vi succos in eo contentos comprimendo, propellere in appensa vasa, vel rudior evincit ratio? Judicabis hinc ovum trans tubas exilire in uterum absque crepitu, quarum cavitas uterum versus angustatur adeo?

#### V.

QUID plura? Conveniet semina totuplici cogi carcere? Iis uteri claustrum non sufficiet? Seminum potentia tanto num valentiores quo exerere se minus licitum? Suis uterque spiritus aptabit locis partes singulas negato ad opus spatio? In utero mollescent fient ovi decantati tunica tanto alibi indurata tempore? Aut natantia in humido umbilicalium stamina poterunt adeo obfirmari, ut tunicas has valeant perforare in efformandum funiculum, & construendam placentam? Construent illam in fundo uteri, potius quam in alterutro ipsius latere? Ubi præ majori pressura obvis uteri porulis & vasorum ostiolis latera nil minus quam uteri fundum irrorantibus radi-cari posse nemo negaverit, ut de vortice quasi uno, in alium spirituum & alimenti pateat aditus & commercium. Tabes illa dorsalis frequens in recenti hymenæo nimis indulgentibus, tantus hic ex universo corpore à congressu languor, podagra, & sexenta quæ singulos salaciorum artus impetunt mala, ova probabunt evidentiùs, quam deciduum ab universo corpore semen copioso singularum partium infuso spiritu dives? Ille spiritus qui partium tonum servat, & firmat elaterem, mollioribus succis appellentibus characterem imprimere erit impotens, qui vel in partes fœtus à prægnante maxime dissitas, firmare concepæ in mente prægnantis, de concupitis averse ideæ, characterem efformare aptissimus est, & effigiem? Tandem, præfacto gemel-lorum conceptu, totum uteri campum occupante, & clausis, ut innotuit



dissecto cadavere, utrimque tubarum ostiis, superfœtavit mulier. Ab ovo superfœtationem accipies potius, quam à feminum concursu in ipso uteri limine, per expositos circa uteri cervicem deferentium ramulos, è quibus stillat humor idem qui è tubis testiumve exsudat vesiculis, patium itaque in fœmina unde manavit charactere insignitus?

*Ergo non ab ovo conceptus hominis.*

**Domini Doctores disputaturi.**

*M. Philippus Hecquet.*

*M. Josephus Pitton Tournesort,  
Botanices in horto regio Pro-  
fessor, & regia scientiarum  
Academia socius*

*M. Antonius le Moine.*

*M. Joannes Baptista Chomel.*

*M. Gilbertus Puyson.*

*M. Guido Crescentius Fagon,  
primarius Regis Medicus,  
& Archiatrorum Comes.*

*M. Honoratus Michelet.*

*M. Andreas Cressé.*

*M. Jacobus de Bourges.*

**Proponebat AUGUSTINUS LIPPI, Parisinus, Baccalaureus Medicus. A. R. S. H. 1698.**

---

**Apud Franciscum Muguet, Regis & Facultatis Medicinæ  
Typographum.**